



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ.

N 91/2829

< 29 > 10 2021թ.

Վահրամ Հայկի Թոփչյանին

Հասցե՝ Կոտայքի մարզ, գ. Առինջ, Մ. Մկրտչյան թաղ. 4 փող. 5 տուն.

Ուղարկում եմ ՀՀ ոստիկանության պարեկային ծառայության վարչական իրավախախտման վերաբերյալ գործով 20.08.2021թ. կայացված թիվ 8180008629 որոշումն անվավեր ճանաչելու մասին որոշումը:

Առդիր՝ <<3>> թերթ:

**Պետ,
ոստիկանության գեղապետ՝**

Ա. Ումրշատյան

Կատ. Հ. Իսահակյան
010-30-42-02

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 20.08.2021թ. կայացված թիվ 8180008629 որոշումն անվավեր ճանաչելու մասին

<< 29 >> 10 2021թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 67-րդ հոդվածով, վերանայելով 20.08.2021թ. կայացված թիվ 8180008629 որոշումը,

Պ Ա Ր Զ Ե Ց Ի

2021 թվականի սեպտեմբերի 27-ին ՀՀ ոստիկանության պարեկային ծառայության Երևան քաղաքի գնդի 2-րդ գումարտակի 1-ին վաշտի կրտսեր պարեկ, ոստիկանության կրտսեր սերժանտ Գնել Գևորգի Գրիգորյանը զեկուցագիր է ներկայացրել՝ հայտնելով, որ «Լեքսիոա» մակնիշի 51 RA 001 հաշվառման համարանիշերով տրանսպորտային միջոցի վարորդ Վահրամ Հայկի Թոփչյանի նկատմամբ կազմվել է վարչական իրավախախտման վերաբերյալ արձանագրություն տրանսպորտային միջոցն ընդհանուր օգտագործման ավտոմոբիլային ճանապարհով առանց ԱՊՊԱ պայմանագիր վարելու համար: Առանց ԱՊՊԱ պայմանագիր տրանսպորտային միջոցը վարելու համար պատասխանատվություն է սահմանված «Վարչական իրավախախտումների վերաբերյալ» ՀՀ օրենսգրքի 129.2 հոդվածի 2-րդ մասով, սակայն կազմված արձանագրություն մեջ սխալմամբ նշվել է նույն օրենսգրքի 129.2-րդ հոդվածի 1-ին մասը:

Զեկուցագրին կից ներկայացված վարչական իրավախախտման վերաբերյալ արձանագրության և թիվ 8180008629 որոշման ուսումնասիրությամբ ևս հաստատվել է վերոնշված հանգամանքը:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 1-ին մասի համաձայն՝ Հայաստանի Հանրապետության տարածքում հաշվառված տրանսպորտային միջոցի սեփականատիրոջ (վարձակալի) կողմից սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) յուրաքանչյուր տրանսպորտային միջոցի համար կնքված ավտոտրանսպորտային միջոցի օգտագործումից բխող

պատասխանատվության պարտադիր ապահովագրության գործող պայմանագիր չունենալը, որը տևել է ավելի քան տասն օր՝ առաջացնում է տուգանքի նշանակում յուրաքանչյուր տասն օրվա համար՝ սահմանված նվազագույն աշխատավարձի հնգապատիկի չափով, սակայն յուրաքանչյուր տարվա համար՝ ոչ ավելի, քան սահմանված նվազագույն աշխատավարձի հարյուրապատիկի չափով:

Նույն հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի «ա» կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով, իսկ 77-րդ հոդվածի 1-ին մասի «ա» կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

«Վարչարարության հիմունքների և վարչական վարույթի մասին» ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Տվյալ պարագայում ՀՀ ոստիկանության պարեկային ծառայության Երևան քաղաքի գնդի 2-րդ գումարտակի 1-ին վաշտի կրտսեր պարեկ Գնել Գրիգորյանը 20.08.2021թ. թիվ 8180008629 որոշումն ընդունել է օրենքի սխալ կիրառմամբ:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի «ա» կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 20.08.2021թ. կայացված թիվ 8180008629 որոշումը ճանաչել անվավեր:
2. Սույն որոշման օրինակն ուղարկել Գևորգ Թովչյանին և ՀՀ ոստիկանության պարեկային ծառայության Երևան քաղաքի գունդ:
3. Որոշման օրինակը տրամադրել ՀՀ ոստիկանության պարեկային ծառայության մոնիթորինգի և վերլուծության բաժնի ծառայողական քննությունների իրականացման բաժանմունք՝ 2-րդ գումարտակի 1-ին վաշտի պարեկ, ոստիկանության լեյտենանտ Գ. Գրիգորյանի նկատմամբ ծառայողական քննություն իրականացնելու հարցը քննարկելու համար:
4. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

Պետ,
ոստիկանության գնդապետ՝



Ա. Ումրշատյան